



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vibor Handžić

Delegat u Domu naroda Parlamenta Federacije Bosne i Hercegovine
Sarajevo, 22.09.2020.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-09-2020

Org. jed.	Broj	Priloga	Vrijednost
02	-02	-1655	20

X
8

Dostaviti:
Bosna i Hercegovina
Federacija Bosna i Hercegovina
Parlament Federacije BiH
Dom naroda Federacije BiH
n/r Tomislav Martinović, predsjedavajući

PREDMET: PRIJEDLOG REZOLUCIJE PARLAMENTA FBIH

Na osnovu članova 138, 140. i 203. Poslovnika o radu Doma naroda Parlamenta Federacije Bosne i Hercegovine (Hercegovine („Službene novine Federacije BiH”, br. 27/03.), delegatima i delegatkinjama u Domu naroda Parlamenta FBIH na usvajanje upućujem

PRIJEDLOG REZOLUCIJE O PREVENCIJI, SMANJENJU I SUZBIJANJU COVID – 19 U FEDERACIJI BOSNE I HERCEGOVINE

- Polazeći od odredbi propisanih Zakonima o veterinarstvu BiH (Službeni glasnik BiH br. 34/02) i Federacije BiH (Službeni glasnik FBiH broj 46/00);
- Uvažavajući činjenicu da je NR Kina 9. januara 2020 godine sa svijetom podijelila informaciju o pojavi novog Corona virusa koji je utvrđen kao uzročnik teškog respiratornog sindroma i pneumonije, da je od 10. januara 2020. godine utvrđena genetska sekvenca novog virusa SARS CoV-2 postala javno dostupna, te da je oboljenje COVID -19 zvanično proglašeno od SZO pandemijom 12. marta 2020 godine;
- Slijedeći preporuke koje je izdala Svjetska organizacija za zdravlje životinja OIE po kojima su veterinarske laboratorije na raspolaganju zdravstvenom sektoru u dijagnostici SARS CoV-2;
- Istovremeno uvažavajući potrebu da se nastavi kontinuitet mjera za sprečavanje širenja drugih bolesti životinja i pruži puna podrška domaćoj proizvodnji hrane;
- Sa ciljem da se svi resursi i kapaciteti veterinarske službe Federacije BiH optimalno, racionalno i najefikasnije koriste u sprečavanju širenja i ekonomskih posljedica epidemije;

Parlament Federacije Bosne i Hercegovine poziva:

- Federalno ministarstvo poljoprivrede, vodoprivrede i šumarstva (u daljem tekstu Ministarstvo) da u saradnji sa Veterinarskim fakultetom Sarajevo (u daljem tekstu Fakultet) usaglasi provođenje sljedećih mjera i aktivnosti:

1. Veterinarski institut Veterinarskog fakulteta Sarajevo (u daljem tekstu Institut) je članom 150. Zakona o veterinarstvu Federacije BiH (Službeni glasnik FBiH broj 46/00) određen za provođenje poslova Instituta za veterinarstvo Federacije BiH čije su djelatnosti utvrđene u članu 95 istog Zakona. Ministarstvo i Fakultet će potpisati Ugovor o saradnji u kojem će se precizirati međusobna prava i obaveze u vezi sa provođenjem citiranih zakonskih odredbi.

2. Institut, odnosno njegova Laboratorija za molekularno-genetička i forenzička ispitivanja, se na osnovu preporuka Međunarodne organizacije za zdravlje životinja (OIE) i preporuka Kriznog Štaba Federalnog ministarstva zdravlja stavlja na raspolaganje za dijagnostička testiranja uzoraka za COVID-19, što je prioritet u aktuelnom momentu.

3. Ministarstvo će zahtijevati od Fakulteta da svi drugi kapaciteti, laboratorijski i savjetodavni, po pitanju drugih prisutnih i prijetećih animalnih i zoonotskih zaraznih, parazitarnih i vektorima prenosivih bolesti, ali i vektora, kao i bolesti koje se prenose namirnicama budu na stalnom raspolaganju Ministarstvu, veterinarskim organizacijama i ustanovama te proizvođačima i da se održi kontinuitet rada.

4. Ministarstvo će za potrebe daljeg osnaženja Instituta osiguravati neophodnu opremu, materijale za dijagnostiku i zaštitnu opremu, po zahtjevu koji će dostaviti Veterinarski fakultet.

5. Fakultet će hitno pripremiti prijedloge za provođenje sljedećih pilot istraživanja i studija rizika:

- a. Prisustvo SARS-CoV-2 kod kućnih ljubimaca i mogući prenos na ljude,
- b. Prisustvo SARS-CoV-2 kod domaćih životinja i mogući prenos na ljude,
- c. Prisustvo SARS-CoV-2 na hrani životinjskog i biljnog porijekla i mogući prenos na ljude.

6. Praćenje realizacije Sporazuma o saradnji i razmjena informacija između Ministarstva i Fakulteta će se odvijati kroz redovne jednomjesečne sastanke.

S poštovanjem



Vibor Handžić